



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 226. De bonis traditis in villis Hemmentorpe et Suitbodeshusen in pago Guddingo.

**urn:nbn:de:hbz:466:1-36114**

## §. 225.

Tradiderunt albmer pumi magenhard et foref adallog fastred atque hildiburg mansum unum in *alberteshusen* (y) cum familia uocrinred et al-  
 terum mansum in *boffeshus* (z) cum familia hun pro anima hranuuardi tes-  
 tes giki *asie* uuulf frid *adahuuard* pumi et alii decem et unuf.

guber-  
 nante  
 Corbe-  
 iam Adal-  
 gario.

## §. 226.

Tradidit redmer quidquid habuit in *hemmentorpe* et *suitbodeshusen* (A)  
 testes albmer maynhard *adahuuard*.

## §. 227.

Quodsi vero iam ante e documentis fide dignissimis demonstrauius, ducem  
 Saxonie, *Ottonem*, patrem *Heinrici* aucupis, in eadem regione bona hereditaria  
 possedisse, neminem fore, speramus, qui dubitet, traditionem illius mansi in  
*Bennenhusen* fuisse auum *Heinrici* Regis, *Luidolfum* ducem Saxonie et filium *Ec-  
 berti* ducis, de quorum prosapia iam supra §. 104. ex instituto pluribus egimus.  
 Nullum alium virum, nomine *Luidolfum* et comitis dignitate fulgentem, in no-  
 stra Saxonie præter dictum *Luidolfum* hæc temporibus vixisse, omnes vno ore  
 hæctenus sunt professi. Sententiam huic contrariam doceri posse documentis  
 coætaneis et fide dignis, liceat inficiari. Fuisse autem adhuc *Luidolfum* in viuus  
 hoc tempore, patet ex eo, quod constat, illum demum anno 875 extremum vi-  
 tæ suæ spiritum edidisse. Vltimis autem annis seu potius mensibus vitæ suæ  
 tradidisse hæc bona *Luidolfum*, facile crediderimus, cum in traditionibus nostris  
 nulla eius mentio porro iniiciatur. Voluimus ergo eam ob causam configna-  
 tionem annorum ad marginem adpositam in sequentibus mutare. Dignum au-  
 tem memoratu censemus, dominum e gente Brunoniana possedisse villam *Ben-  
 nenhusen*, a quodam *Bennone* probabilissime appellatam. Huius nominis domi-  
 nos bene multos in familia Widekindæ deprehendimus. Vnde denuo conie-  
 cturamus, gentem Brunonianam et Widekindæm vnus eiusdemque fuisse ori-  
 ginis.

- (y) De *Alberteshusen* villa in pago *Auga*, quæ hodie dicitur Albaxen, vide supra De villa  
 §. 52. Alberteshusen.
- (z) *Boffeshus* villa itidem erat in pago *Auga*, vt iam supra §. 124. vidimus. Ea ap- De villa  
 pellatur hodie *Boffzen*, ad Wileram vicus, qui vix iter dimidiæ horæ a celebra- Boffeshus.  
 tissimo castro Brunonisburgo abest. Quodsi igitur minus probabile est, alium  
 dominum potuisse in villa *Boffeshus* bona hereditaria possidere, quam potentissi-  
 mum possessorem castri Brunonisburgi, capropter *Albmarum*, *Pumi* et *Magen-  
 hard*, inter posteros Brunonis ducis §. 104. not. (n) retulimus. Ipsi sedecim  
 testibus sunt vsi. Inter hos *Asie* probabilissime ducis *Luidolfi* filius fuit. *Adal-  
 wardus* §. 108. inter coheredes ducis Ostfalorum *Hessi* refertur. Vnde suspi-  
 cari licet, *Albmarum*, *Pumi*, et *Magenhardum*, fureulos nobilissimæ arboris fuisse.
- (A) Situm villarum *Hemmentorpe* et *Suitbodeshusen* didicimus e Sarachonis nostri Re- De villis  
 gistro Bonorum et Proventuum Abbatie Corbeiensis. In eo enim refert dili- Hem-  
 gentissimus abbas, has villas existisse in pago *Guddingo*. Vnde colligere licet, mentor-  
 villam *Hemmentorpe* eandem fuisse villam, quam traditiones nostræ supra §. 181. pe et  
 appellabant *Hemmontorpe*, quippe quæ ab eodem Sarachone l. e. tribuitur æque Suitbo-  
 pago *Guddingo*. Intelligi vicum seu oppidum *Hemmendorf* in præfectura Lau- deshufen.  
 enstein ad fluium Sale, in regione oppidi *Eltze* *Leinæ* influentem, constat in-  
 ter omnes. De pagi *Guddingo* locis optime differuit Vir Cl. *Daniel Eberhar-  
 dus* Baringius in libro, *Beschreibung der Saala im Amt Lauenstein*, Lemgouie edito  
 1744. 4. In eadem enim regione olim existisse pagum *Guddingo*, iam vidimus  
 supra §. 7. Probe autem oppidum *Hemmendorf* discernendum est ab oppido  
 seu vico hodie dicto *Saltz Hemmendorf*, itidem sito ad flumen *Salam* intra præ-  
 fecturam *Lauenstein* principatus *Calenbergici*. Oppidum *Saltzhemmendorf* anno  
 860 nondum existisse videtur. Hæctenus enim nullum prodiit in lucem docu-  
 mentum, quo illud potuit demonstrari. Verisimilius erit potius, domibus, quæ  
 pede-



Ab anno  
85+vsque  
877. re-  
gnante  
Hludo-  
uico et

pederentim falis fontibus, non procul a villa desolata *Sualenhusen* scaturientibus, sunt adiunctæ, a villa nostra *Hemmentorpe* nomen *Saltzhemmendorf* esse inditum. Situm villæ *Suitbodeshusen* nondum ostendere possumus. Aliis ergo hanc tradidimus lampada. Fortasse nomen huius villæ latet in vico *Snathusen*, vel in vico *Steinhusen*, quorum meminere litteræ Sophiæ Gandersheimensis abbatissæ, ad annum 1411 datæ, exhibitæ in *celeb. D. I. C. Harenbergii Historia ecclesiæ Gandersheim. diplomatica* p. 432. At nec cognitus est situs locorum *Snathusen* & *Steinhusen*, teste *Baringio* p. 66. Illud hoc loco obseruasse nos non pœnitebit, locum *Hemmentorpe* olim spectasse ad dynastiam *Homburgicam*. Id diplomata adprobant. Vnde probabile fieri arbitramur, *Meinbardum*, qui, teste §. 181, mansum tradidit, in *Hemmonthorpe* obuium, atque in §. nostro inter testes apparet, cum *Redmero* inter progenitores nobilium dominorum de *Homburg* videri referendum, de quibus egimus supra §. 104. not. (1) atque infra §. 338. Fortasse *Redmerus* frater *Meinbarði* erat, atque ambo fuere factores *Dominorum de Wallensen*, quos nomen accepisse prædicant a vico seu oppido *Wallensen*, ad præfecturam *Lauensteinensem* spectante, iridemque sito ad *Salam*, flumen ante dictum. Villam *Walehusen* iam anno 1068, et probabiliter ante hunc annum, existisse, satis constat. In eadem villa olim fuisse castrum, sedem quorundam comitum dictorum de *Wallensen*, incolæ eiusdem oppidi perhibent. Ostendunt illi mihi quondam locum dictum *den Burgbos*, referentes, se ex traditione patrum atque auorum suorum accepisse, quondam ibi fuisse sedem comitum quorundam. Nihil habemus, quo illud refutare licet. *Meinbardus* et *Redmerus* nostri fortassis fuerunt factores istorum nobilium dominorum, quibus extinctis, bona eorum peruenisse videntur ad illorum agnatos, nobiles dominos de *Homburg*. Fortassis ad eosdem nobiles referendus est *Erkanbertus episcopus*, qui teste *I. F. Schannati Corpore Tradit. Fuldens.* p. 300. num. 8. prædica sua *S. Bonifatio tradidit in Mazheimere marca et in pagis Zigilde et Marstein et in pago Zigilde prædium in Maienhusen et quatuor villas Haselbechi, Hilwartshusen, Gemundi et Weisfeldt.* Ad aliam familiam eundem episcopum *Erkanbertum* referre vix poteris, quam ad gentem *Homburgicam*, cuius progenitores cum comitibus de *Northheim* et *Dassel* supra §. 104. not. (1) ex vna stirpe deduximus. An *Mazheimere marca* olim non procul a monasterio *Loccumeni* existerit, vbi adhuc reperiuntur *Mesencampe* et *Meringen*, id in medio relinquere cogimur. Si autem ipsa ibi exstiteret, eadem marca terminum inter pagos *Bukki*, *Asterburgi*, *Marstem* et *Guddingo*, seu inter *Angariam* in orientali regione et inter *Saxoniam orientalem* constituisset. Et fortassis villæ *Mesveld*, *Mesmerode* et *Meinsen*, in comitatu *Schaumburgico* sitæ, ab hac marca nomina retinuerunt. Quodsi vero hæc regio tibi minus placet, eandem marcam existisse circa vicum *Meineholtzen* in Principatus *Wolfenbuttelensis* præfectura *Wickensen* non procul a vico *Vorwolde*, per me tibi persuadere potes. Id si est verum, hæc marca terminus inter *Suilbergi* et *Wikanavelde* pagos fuisset. *Maienhusen* porro in pago *Zigildi* seu *Tilgethi*, vti in Traditionibus nostris is pagus appellatur, videtur fuisse vicus *Meinsen* in præfectura *Lauenau*. *Haselbechi* est vel *Haselbechi*, de qua Traditiones nostræ loquuntur §. 31, vel *Hilwartshusen* seu *Hilwartshusen* intra præfecturam *Erichsburg*, vel *Hilwartshusen* olim monasterium, hodie præfecturam principatus *Gottingenensis*. *Gemundi* est *Munden* ad *Wiferam*, vbi hic fluiuium *Fuldæ* recipit, probe discernenda a villa *Gemunden* in principatus *Waldeckensis* præfectura *Lichtenfels*, in qua domini de *Enze* feuda tenuere ad ecclesiæ nostræ *Corbeiensis*. *Weisfeldt* videtur esse *Wesefeldt* villa, quam anno 1170 tradidit *Burchardus Fuldenis abbas* consensu capituli sui præposito de *Hildewardshusen* eiusque ecclesiæ, teste diplomate adlato in *Polyc. Leyseri Historia comitum Eberstein.* p. 24. Ea an fuerit villa *Wesfelde*, quæ in Traditionibus nostris tribuitur pago *Fleithi*, aliis diiudicandum relinquimus. Qui vero norunt, *Wesfelde* esse *Wesfelde* villam præfecturæ *Winceburgensis* eiusque episcopalis *Hildeshemensis*, illi vix a sese impetrabunt, vt *Weisfeldam* eo traducant. Ipsum nomen *Erkanberti episcopi* mouet nos præterea, vt credamus, eundem ex progenitoribus comitum de *Northheim*, *Dassel* et *Homburg* procreuisse. Sunt nobis ad manus rationes non contemnendæ, quibus euinci poterit, *Erkanbertum*, illustrem *Corbeiensem* abbatem, eidem, quam dixi, genti adnumerandum esse. Electus est ille non anno 1107, vti *Annalista Saxo Tom. 1. Corp. Hist. Medii Æui Eccardi* p. 619. perhibet, sed anno 1106. Hoc ipsius *Erkanberti* abbatis diplomata testantur.